

救  
偏  
瑣  
言

救偏瑣言卷之五

起脹證治準

痘之根透則爲起。囊綻則爲脹。起居先而脹繼之者也。痘初放點。其粒如菽。遽及五朝前後。表裏得以無邪。痘瘡不至偏陷。縱步而出。根透囊綻。菽而至於如莖。是謂起脹。毒其盡行於肌表矣。以毒達於外。痘故得以起脹也。其象眼封鼻塞。氣尊血附。頂白根紅。白而且肥。紅而能淡。光壯如珠。身體溫和。神清氣爽。飲食二便如常。是起脹之順者。也不須

服藥。

起脹時若表邪未盡致毒不能盡行肌表向來痰唾  
稠粘或鼻流清涕或面赤多淚或面青聲重或翕  
翕發熱或淅淅惡寒或毫竅直豎至此猶未霍然  
痘必未能起脹仍必疏肌達表而兼升發古人言  
一見紅點便忌升麻乾葛不可拘也

起脹時若有宿食未消致毒阻塞于內向來胸膈不  
寬按之眉愁口中噤腐酸臭轉矢氣極臭至此猶  
未跳脫痘必應至不至仍以寬中化食而兼升發

古人言治雜症一寸。痘子落後一丈不可訓也。

起脹時。表裏無邪。雖無阻礙。氣虛血弱。痘雖起脹而少光壯。淡白而不蒼老。眼不甚封。鼻不甚寒。腳雖不塌。頂不能綻。體靜溫。和者。稍稍解毒。中卽當漸補氣血。溫中保脾。如保元湯。加芎朮。木香。姜。蘇。白芷。山查。量用解毒一二味。以豫防漿後泄瀉倒陷之患。

起脹時。有氣血虛劇。不惟溫而且冷。不但靜而且倦。不惟白而更嫩。不但不老而且皺薄。頂陷而兼脚

癰重語聲輕眼不能封鼻不能塞淹淹不振而不  
起脹者卽當大劑保元湯加芎歸鹿茸以峻補氣  
血或丁香桂附以振作元陽參芪太重必須濟以  
山查以此味能行參芪之滯不減參芪之力此用  
藥相濟之法不可不知桂附量視緩急參芪鹿茸  
遲則殆無及矣此偏於不及者大畧治法也

起脹時至若毒火猛烈更有伏火伏毒鬱于皮毛痛  
如膚刺衣衾難動期雖起脹竟累日壅遏者有毒  
參陽位面目焮腫而痘不腫者有毒滯于頂根起

而囊不鬆者有一身之內通塞不均衝突處則重頂甚則湧泡逼鬱處或平或陷甚至連顆囊亦板實者亦有窠粒周圍貼抱一圈狀如珠殼者有毒擁皮肉痘雖粗大板而平者此等梟毒在于氣分不拘痘色紅與白紫與黯必用蕩滌之劑佐以青皮赤芍荆芥牛旁木通蟬蛻用山查兩許煎湯代水以治之重以乘蟲透發庶氣不爲毒錮氣得以暢達而痘起脹矣古人言氣不可虧不可法也

起脹時有諸痘未漿并有未及放白數點先已黃熟

者。有半爲熱毒燔灼。半爲伏毒錮閉。一則鋪紅肆  
溢。一則痘若水珠者。有通身或紫黯。或紫艷。或炊  
紅。或紫紅。或晦色。或間硃砂斑點。或紫背浮萍。或  
失血空竅者。此等熱毒。在于血分。不拘痘之日期。  
亦必以蕩滌爲主。佐以桃仁。赤芍。紫草。地丁。丹皮。  
荆芥。木通。豬尾膏。地龍。以散其凝結之毒。庶血不  
爲毒瘀。得以通達。而痘自起脹矣。古人言補血之  
功難。須當養于平素之說。不可泥也。

假令毒火發見于外。熱如火熾。煩渴不已。口熱如爐。

不拘在氣在血。均以石膏芩連犀角。或四聖散。金  
汁等類。以制其陽光烈火。庶氣血兩不受炙。痘其  
得以起脹而榮潤矣。古人言疹愛清涼。痘要溫。不  
得以此痘律也。

起脹時。有根起而囊少脹。起脹而或少克。克而色或  
少潤。潤而熱有未和。是毒火未得宣暢。概以疏透  
清解。固無事于蕩滌。亦不必過以寒涼。尤不宜妄  
用辛熱。亦不當便用溫補。但以連翹牛旁生地丹  
皮紅花山查甘草荆芥穗之類。稍以白芷姜蠶桑



蟲古米以催漿拓頂火雖不熾清之則熱得以和平色得以滋潤行漿而漿得以洋溢毒雖不盛解之則囊得以鬆泛毒得以化漿至收結而不爲餘毒纏擾清解之法常規原以此期痘至五六日大都起脹起脹則毒在外毒既在外而清之解之則毒無寒凝之慮痘方起脹則漿未及行而裏未虛乘未虛而清之解之則痘無內虛倒陷之患而孰知過與不及不可以常理論也歟

攻毒總訣

問痘如何有川攻伏毒伏火豈堪容毒火鬆透稠無  
害毒火深藏稀亦凶細究神情暨見症察形驗色皎  
如星上焦衝突如泉湧舌刺唇焦與炙同下迫小腸  
洩是血大腸逼迫苦難禁拂鬱皮毛痛似剝啼號不  
已虐中宮。胸堂壅遏躁如嗔日夜無眠擾不寧痰  
一因之迷上竅氣雄煩悶叩無聲靜不靜兮躁不躁  
愁容可掬畏人親骨節煩疼腰似杖筋抽脉惕狀如  
驚。徧體炎炎駭熱深更呀四體有如水通身汗湧  
令人畏尤怪身焦首似蒸毒湧肌肉周身板掀腫如

卷之三  
三

吹痘却平擁突如桃名疣瘡未見毒先行痘未  
脹時面頂腫額顙未起眼先封赤眼胞下透紅絲  
倒豎睫毛人未知徧軀晦滯如蒙垢口舌無皮穢氣  
噴兩頰焮紅無點粒發始牙爭舌不寧報點歪斜黑  
陷硬一齊湧出細如針紫背浮萍斑似蚤犯一稀稠  
總不論貫珠攢簇又堪嗟蟹爪遊蠶蠟上沙燕螭  
二窩并鳥跡疊錢鼠跡及螺疔雁行珠殼蛇皮類履  
底環珠總象形其在部位亦多名覆釜蒙頭兩截  
分鎖頂纏腰雙鎖口託腮攢背與攢胸披肩囊腹咽

關屬抱鬚蒙眊及鎖唇鱗坐囊毳暨抱膝隨地逢之  
莫覩輕。色有紫艷有深紅紫滯乾紅又不同紫類  
雞冠花是艷深其無異絳桃紅滯色猶如花木筆乾  
如紙色有礬紅若比青蓮滯更惡椒皮乾色惡無倫  
有頂平平若烙炮有頂如煤類火燒有頂陷下根  
紅腫有頂尖圓色紫焦痘色頗佳多惡症痘稀色白  
見椎標飛漿迭見黃如蠟發泡看來似葶桃有白有  
紫有色黑或粗或細毒成臬。那般痘色那般形見  
症神情總毒伏于內血受痧毒伏于內氣受鋼

毒輕本受氣血制慘彼氣血亦歸毒是痘生成必內  
潰除却蕩滌無生路縱使不能一一蘇舍此千中無  
一復前人列于不治條後人糊模傍矩鑊亦有識者  
謂實病懊歎嬰兒是天命天假千慮之一得殺身惡  
毒容稍減惡毒驅兮氣血暢氣血融通痘自放氣領  
血載功自全頂白根紅自光壯即使貫珠堆聚類亦  
得鬆擡無敢抗氣煦血化漿自成不藉參芪保元神  
成痂落靨無侵蝕胃自開強脾自實此痘不拘兒厚  
薄不拘未痘先病弱不拘眼下便已瀉不因眼下便

閉結不拗成漿宜保脾不拘痘後須調理尋常之法  
治尋常不可將來抵惡酌臬毒不驅是縱虎驩之不  
盡防竊發若使反以補爲良可歎適以資盜糧有虛  
見虛且傍穩坐視削匄將入非從來有病則病受始  
終細細立詳究犯此尤當及早圖更須絕頂方駐足  
但憑漿後胃日強夜臥日高猶未足落茄體快與身  
涼咲口歡容無稍楚方是臬毒盡無餘纔得修文偃  
却武。

申明鼻衄

痘瘡鼻衄與雜症鼻衄不同。雜症不過迫于肺經浮遊之火清之立解。縱有爲積熱所致勢亦猖獗者有之。要無內潰之慘。痘乃先天毒火不衄則已。衄則烈毒內亂五臟沸騰致血妄行空竅點點皆毒血也。非等閒邪火可例。勢必蕩滌而佐以涼解庶可治其虐。然不則毒血內瘀毒瘀于內其有不潰者乎。內至于潰其有得生者乎。若僅以犀角地黄之劑而希止之是猶揚湯點沸非鍋底抽薪之法也是症甚多以下攻毒之驗總難筆記各附其一以證其概。

附一治驗

余一孫女。四歲戊子暮春。一晚大熱如炮。躁亂不寧。不逾時而衄如注。血紫成條。有意亂心慌之象。是夜卽以涼血攻毒飲。減紅花紫草。加石膏。佐參地丁。連投三劑。次日午刻見痘不紅不紫。如晦色。椒皮。棄。裏不起。第二劑。衄止熱亦減半。叫喊不已。躁亂如前。暫減石膏。用大桑螵。同猪尾膏。蓋許。和于藥內。日服二大劑。服及七朝。漸起漸紅。大便日去七八次。九朝漿行。漸入佳境。藥餌遂懈。十朝晚



身復大熱叫喊仍不絕口。滿面搔破猶幸鮮血淋漓急用胭脂調入化毒丹貼之前方重以<sub>二</sub>大黃五錢<sub>一</sub>生地石膏俱兩餘三劑後十三朝始定收結而<sub>二</sub>痂尚燥<sub>一</sub>寢食僅得其半。以忍冬解毒湯減紅花加大黃生地十六朝收功。

申明舌刺咽乾

舌胎如刺咽乾如炙傷寒雜症見之亦陽盛陰虧之象然扶陰仰陽其厄可解。痘瘡若見總以烈毒肆虐非僅燂炙而已也。輕則乾焦重則焦黑亦必潰而後

已總係咽喉之毒。所以咽啞水滄。並爲逆症。舌刺如  
爛。若不治。欲解其圍。非蕩滌不可。即使攻之。亦必早  
圖。乃克有濟。不當目之於泛常也。

附一治驗

徽州程季老。一公郎三歲。丙戌殘冬。一日大熱煩  
渴。口熱如爐。舌胎卽芒刺而黑。則其咽乾可知。見  
點于肌肉之間。隱隱若麻。乾紅晦澀。彷彿乎逆。幸  
在初朝。以清涼攻毒飲。加蜜炙麻黃二分。以隆冬  
也。減犀角二劑。細碎者悉退。顆粒分明。又二劑。色

亦稍轉。四朝淚流如膽汁。唇漸堆結如煤。謂之鉄  
嘴。大便晝夜約去十餘次。一方服至六朝起脹。八  
朝行漿。胃氣未開。神情未快。十二朝鉄嘴鬆禪。癰  
食漸安。首尾一方收結成痂。以忍冬解毒湯至十  
六朝收功。

申明溺血

痘瘡失血。列于不治。總以烈毒內攻也。況出自小腸  
乎。故五淋惟血尤重。痘瘡犯此。可知涼血清毒。固是  
症之首務。而無斬關之劑。以驅逐之。縱極瀉極涼。僅

足以緩其流。難以澄其源也。

附一治驗

七里溫廣心兄大公郎八歲。出痘于乙酉仲冬。值久瘡後精神疲敝。飲食不思。痘卒溺血如膏。胸膈閉悶。唇黑如煤。舌胎如刺。兩頰不分界地。天庭明朗。身上稠密乾紅。腹更有紫背浮萍斑點。如是毒火身反不熱。內鬱故也。以涼血攻毒。飲大黃爲君。加桃仁。每劑和大桑蟲。日服二大劑。五朝未見轉機。前方倍大黃五錢。生地兩許。七朝兩頰鬆透紅。

活成顆。身體大熱。餘痘亦俱紅潤。腹癰漸淡。前方  
減葛根。蟬蛻。紫草。紅花。桑螵。加黃連。石膏。每服調  
牛黃化毒丹一錢。日進二服。十朝漿足。腹癰悉退。  
胃氣頓開。十二朝唇發。褪脫。舌竟紅活。頭面堆砂。  
收結。身上氣足。血收。寤寐俱安。前方減大黃。黃連。  
石膏。桃仁。加金銀花。貝母。攻伐之劑止。一劑不及。  
便不思食。神情仍復不快。痘卽停止。予駭其故。豈  
攻之太過。而真元不繼耶。抑攻力未足。而毒火竊  
發也。猛省其故。失檢其溺。取視猶然。使內邪淨盡。

小腸何猶乃爾也。悉如前法。連進二劑。諸毒應時  
捷於影響。服及十八朝。而溺始淡黃其色。以忍冬  
解毒湯始得收功。

申明大腸逼迫

大腸爲傳送之官。通利易結實難。故大便秘之實與瀉  
中氣之虛實因之。所以古人治痘。用木香異功散。以  
豫防其滑瀉。而孰知梟毒深藏之痘。不爲氣領。不爲  
血載。表裏壅塞。發洩無門。因有傳送之隙可乘。毒其  
騰湧於此矣。腸旣毒湧。下注逼迫。自欲解而仍不得。

解。誠能因勢而利導之。俾毒得以宣暢。則氣血融通。而痘其發皇矣。

附一治驗

孺山鍾晉叔兄。七歲一公郎。甲戌出痘。未見點時。腰腹倏爾疼痛。至欲解更甚。及解逼迫異常。急不能待。而卒不能解。因艱塞而努力。因努力而愈艱塞。不惟不得解。努力之極。氣反上湧。而面頰俱變俄頃而惡象復然。此毒深藏于脾腎也。以必勝湯去生地。連接二劑。身體壯熱。見點稠密不鬆。乾紅。

色滯。痘與皮肉。按之俱板。氣壅煩悶。身無安放。前方服及四朝。大便見毒點。如漆如膠。紫黯其色。前方加黃連。石膏。生地。服及七朝。頭面掀腫如毬。周身四體脹滿如吹。有如氣鼓。目之可駭。所幸痘亦得脹。十二朝漿行。十四朝漿斂。悉以一方主之。大黃用及觔餘。大便日止一次。口內成瘡。目睛起瞤。身熱未和。以藪雲散。合忍冬解毒湯。調牛黃珍珠服至十七朝。所進僅止稀糊。所存惟有皮骨。與參湯數匙。口卽乾膩。嗣後弗藥。惟以牛黃珠末。日服



二分。佐以吹藥。疔與瘡漸愈。飲食漸進。月餘後肌  
肉生長。精神康復。次年患一悶痧。不及進藥而斃。  
惜哉。

申明拂鬱皮毛

痘未分布而毒先湧發如癰者。名爲疙瘡塊。痘未及  
乎肌肉而毒之鋒穎先射乎皮毛。謂之穎毒。稍一搔  
之。痛如膚剝者是也。此不早圖。任其肆虐。七八朝必  
至燥痒外剝而斃。毒之最惡者也。

附一治驗

復初黃憲副八公郎癸酉孟春一日身體燥熱肉  
潤筋惕兩目昏沉痘之象也愁容萬狀稍動其衣  
被痛楚等于剥膚是頰毒鬱于皮膚也卽用必勝  
湯減桃仁加桔梗用大黃四錢連進二劑痛不稍  
減照前方大黃六錢又二劑透出一身紫滯乾紅  
綿密無縫痛始減半大熱如火前方加黃連石膏  
減葛根服二劑顆粒分明六朝克肥九朝漿勢沛  
然因痘象可觀藥卽懈弛次日燥痒難禁頭面播  
破血流滿面猶幸急以藥胭脂貼之悉如前方外

以牛黃二分。珠末四分。勻分三服。調于藥內。日進  
三頭汁。次日復灌。十二朝堆沙漸收。腐爛作臭。胃  
氣日開。神情日爽。十六朝收功。用大黃筋餘。牛黃  
二錢。

申明啼號不已

啼哭嬰兒之常態。至于不已。非煩熱所致。卽痛之使  
然而可慮矣。聲必急驟。面必愁容。與常態自是不同。  
卽使煩熱痛楚。其因別症。如蛔結食積。瘡瘍癰毒等  
類。亦無事于蕩滌者。惟痘瘡犯此。中藏伏毒。而內擾

擾則攻。攻則潰。所以叫喊不已者。不治。非不可救藥也。正不知有此治法耳。

### 附一治驗

余戊子一孫。壬辰初夏。一晚大熱如烙。叫喊不已。如蚓在灰。次早大小便去血。解後稍緩。俄頃復然。急以必勝湯。加石膏連投二劑。口哺卽見痘窠粒。不鬆。痘色紫黯。大餅皆紫黑。成片成條。散者成流。叫喊愈甚。照前方重以<sub>二</sub>大黃生地<sub>一</sub>。石膏晝夜三大劑。每劑和豬尾膏一大盞。并大桑蟲服。及七朝色

漸紅活。囊漸鬆透。終是叫喊不已。前方減乾葛蟬  
蛻。九朝放白。十一朝行漿。諸症減半。大便日去七  
八次。藥餌稍緩。仍復猖獗。更加燥痒。痘頂穿破。若  
圈。喊不絕口。悉如前日。進三大劑。叶朝得有霽色。  
十六朝。叫喊復作。愁楚萬狀。便出紫黑血片。如蟄  
皮散瘀血。有一糞杓。卽安睡。醒餘便思食。身熱始  
和。大便頓愈。溺猶血水。廿六朝夜半。驟然躁亂。舌  
起一疔。以牛黃分半。珠末三分。蜜湯調服。以忍冬  
鮮毒湯。加大黃錢許。用地丁煎湯服。及廿八朝。舌

疔卽褪。月餘始得安痊。約用大黃三兩。石膏生地  
俱二觔半。

申明胸堂壅遏日夜無眠

胸堂乃上焦心肺之地。最輕清而邪不易犯者。然六  
淫惟火上炎而易及。于于心。則以火濟火。而神自不  
寧。干於肺。則金被火燥。而躁自不覺。況此火更出于  
毒。病不止于燔灼。輕則內擾眉宇不舒。重則內攻如  
魚失水。日夜無眠。所必至矣。輕者導亦可解。重者必  
需攻逐。不則養虎貽患。是症施于未見。使痘可以成。

顛。施于已見細碎可以退去。凡猖獗之症。在三日後  
內已受攻無及矣。

附一治驗

一凌姓之兒。僅週歲。身體壯熱。躁亂不寧。如蚓在  
灰。痘未見而兩目昏眊。是痘象。知其毒壅上焦之  
故也。卽以涼血攻毒飲。去生地紅花。加山查地丁。  
一劑而神卽安。日晡見痘如麻。再二劑而細碎者  
潛消。朗朗分珠。其祖父稱謝不已。照方用生地紅  
花并大桑蟲。日進二服。以一方服至十二朝。順叙

收功。此僅躁亂一項。更得治于未痘。故朝頭無甚風波。

申明痰迷上竅昏悶無聲

心之氣出于肺而爲聲。其竅若管籥焉。竅爲痰迷。痰因氣閉。氣因毒滯。毒氣瀰漫。痰迷心竅。蓋心爲神明之官。迷則神自不清。閉則聲自不出矣。詳其痘瘡皮肉壅腫。紫滯焮紅。壯熱氣粗者。方合是症。

附一治驗

孺山鍾去疑兄。年及二旬餘。一日府試。歸見痘。昏



沉不語。有疑其爲虛者。有云其爲勞者。五日矣。窠粒不鬆。盤暈歟赤。兩頰通紅。不分界地。且氣粗壯。熱之極。此熱毒上湧。清氣阻塞。心竅爲痰所迷。虛勞何與焉。以涼血攻毒飲。減紅花蟬蛻。加貝母地丁。日投二劑。七朝界地漸分。痘漸鬆泛。神情猶然。昏憤。前方減葛根。加石膏黃連。八朝始省人事。方知已之出痘。九朝而漿沛然。十二朝收結。遂弗藥而愈。俱以一方終始其功。

申明靜躁無定愁容可掬

凡靜則病退躁則病進。至于似乎靜而卒不容安。似乎躁而若爲所禁。滿面愁容。凡所遇而憎惡焉。較之狂躁者更重。甚至有天柱傾倒。刻不能支者矣。痘瘡犯此。無論熱如炮烙。紫艷深紅。見其熱毒內擾。卽身體溫。和。痘色黯滯者。尤見其熱毒固閉。而故身無安放也。與氣虛困倦。自是霄壤。

附一治驗

一賀氏子四歲。出痘于仲春。滿面愁容。天柱不舉。神情躁而若倦。身不甚熱。痘點隱躍于皮膚。按之

板實板則非不振矣。且多遊鱗不拘其數。其色乾  
滯而多白黯黯則非真白矣。且有椒色。間乎其中。  
溺血如膏。口穢若腐。則此天柱不舉。愁容厭倦。全  
是毒火內擾。而故情緒難支。以必勝湯。減桃仁紅  
花。稍加蜜炙麻黃一二分。和桑蟲一大枚。日投二  
劑。服及四朝。身漸熱。色漸紅。窠粒亦漸起。時常乾  
嘔。哈舌。前方加黃連。四劑。毒火湧發。驟熱如焚。盤  
若塗硃。天柱頓起。外加石膏。減乾葛麻黃。自七朝  
以至十朝。放白成漿。大便日去五六次。皆毒垢。愁

容不轉。壯熱未和。飲食不進。十四朝堆結發臭。飲食得進。諸症平康。惟溺血未止。十八朝仍復壯熱。泛疤。口內成疳。一方貫至。念朝外始得全愈。

申明骨節煩疼腰如被杖

痘瘡包孕。在於腎臟。腰者腎之候也。骨亦屬腎。此地若痛。是於發動之地。便卽肆虐。烏能歷日期。待朝數而施功。于次第也。縱有良法。苦不及施。猶之迅雷不及掩耳。所以腰如被杖者。爲不治。惟於痘未見點。萌芽甫動。得以卽挫其鋒。庶可挽回于萬一。若一見點。

本臟便壞。惟有待斃而已。若清溪章繼美之痘。是一  
驗也。

又附一症

同袍李季老一幼弟。卒然腰痛。以及兩脇兩肩骨  
節皆疼。愁楚不堪。次日卽報點于左腰。如豆大而  
色黯滯。又有數點。似痘非痘。隱躍于皮膚而多晦  
色。按之板實。以必勝湯四劑後。窠粒稍起。而終不  
鬆晦色稍退。而未紅潤。續出者可以數紀。只是痛  
楚呻吟。晝夜不息。寢食俱廢。以一方服及八朝。累

蕞泛而得半漿服過十二朝痛楚方息稍能寢食  
將就收結而愈是症幸痘稀疎故得成功而且易  
若一稠密便如章繼美之歷盡艱難險阻矣腎症  
之可畏也如是夫

申明筋抽脉惕

筋抽脉惕者狀若驚也筋屬肝毒在于肝不得尋竅  
而出筋脉受其衝激以故抽惕如驚而實非驚有發  
于未痘之先景象凶暴見痘卽止此痘發于心世俗  
所謂驚痘者是也然亦非驚此則未發已發不時抽

湯惟懷抱者知之。傍觀者不覺。此毒不驅。肝臟受攻。肝爲血海。血海擾害。難于載毒。紅暈不著。難以成漿。囊不克溢。首尾類多咬牙。終必潰而後已。是症輕者。疏達活血。稍與攻毒。重者。重與攻毒。佐於活血。疏達。若以驚視。誤人多矣。

附一治驗

嚴璞菴老先生一孫。歲未滿週。一日壯熱昏沉。筋脉抽惕。以清肌透毒湯。加木通青皮。一劑。次日卽見痘頭。額如麻。身上隱躍。以必勝湯。減挑仁赤芍。

生地。加當歸三劑後。細碎者漸退。隱躍者漸透。雖見顆粒。却密而不鬆。滯而不紅。胸背多遊蠶珠。發抽惕如故。減葛根。加丹皮。每劑和大桑螵一枚。日服三劑。至七日。頂白根紅。惟遊蠶珠發未鬆。服及十朝。通身脹滿。漿勢沛然。獨抽惕未已。壯熱未和。而多愁楚。大便自見點。晝夜十餘次。皆毒垢。幸乳食如常。一方貫至十六朝。諸症平康。戲之方笑。以忍冬解毒湯。念朝外發出紅斑如霞。調理收功。

申明偏體炎。炎



痘瘡非熱不發。非熱不脹。非熱不成漿。非熱不結痂。是元陽制化其毒。終始其功。故首尾不可無熱。然熱宜和。體宜潤。乃若如火炎炎。徧體乾灼。肆虐臟腑。蝕真氣。燥真陰。是痘瘡焦紫之媒。不論已出未出。按之若此者。便是窮兇極惡之症。不可以泛常之熱而忽之也。

附一治驗

臧比玉兄。一大公郎。四歲。一日徧體燔灼。面頰通紅。氣壅昏憤。以必勝湯。減桃仁紅花。加石膏三劑。

後見痘如麻。又二劑細碎者悉退。顆粒分明。但鋪紅若錦。熱不稍減。神思復然。重以大黃五錢。生地石膏各一兩。日投二劑。至五朝減蟬蛻。加犀角。八朝漿足。大便日去四五次。神思始清。十二朝稍思飲食。有收結意。盤暈猶然。煖赤。十四朝仍復泛疤。轉側愁楚。口内生疳。一方服至十八朝。諸症霍然。方以忍冬解毒湯收功。

申明四肢獨冷

四肢屬脾。惟宜和暖。固不宜熱。尤不宜冷。冷而皮薄。

色淡身涼。而手足更冷者。此脾臟虛寒。元陽幾脫之象。冷而乾。紅色滯。通身火熱。而手足獨冷者。此裂毒壅遏于脾。邪陽莫透。火鬱則寒之象。冷之極。正熱之極也。較之炮熾者。而更重矣。在他症則發之。而火自散。此係裂毒深藏。非攻不透。失治而脾必潰爛矣。

附一治驗

驢村嚴青宇。七歲一愛。壯熱如火。四肢冰冷。下部直過環跳。躁亂如失水之魚。無瞬息寧靜。兩頰一片通紅。不見點粒。胸背乾紅晦滯。皮壅肉極。主人

以爲必斃置之若棄矣。然痘在初見毒無定位以  
必勝湯大黃五錢連投二劑四肢稍溫卽加黃連  
石膏每劑和大桑蟲一枚又四劑伏火通透兩頰  
紅中泛點四體頓熱一方貫至九朝徧體克肥粲  
然可觀主人喟然嘆曰前者兒女輩斃于痘者十  
數人凶象皆未及此是痘得痊往者不堪回想矣  
必竟首尾一以攻毒涼血鬆肌十二朝漿黃如蠟  
漸收漸結十八朝諸症霍然痂落收功嗣後口復  
生疳兩目腫赤多淚以撥雲散去木賊加牛旁佉

參天花全愈。約用大黃二十餘兩。石膏生地各二  
觔。大桑蟲四十餘枚。

申明通身汗湧

陽虛則自汗。汗多則亡陽。而有虛脫之患。孰知痘瘡  
有陽極而汗湧洩者也。人身水火不容偏勝。水勝則  
火熄。火勝則水沸。烈火燔灼。五液沸騰。液有出于毛  
竅者爲汗。此五液之一也。火擾于內。而汗自洩。是汗  
之爲火逼可知。有汗出如淋者。火之極也。其症通身  
焮赤。燔熱。氣粗躁亂。是其驗也。火盛卽毒盛。故氣虛

而毒盛者有之。未有血熱而毒輕者也。火毒相併。血  
遇必瘀。血至于瘀而內有不潰者乎。其攻自不容緩。

附一治驗

乙未。吾郡張太尊一公子。歲未滿週。一日身熱如  
火。汗如雨下。左眉稜掀腫如桃。愁楚不寧。而有痘  
象。乘痘未見。毒無定位。時卽以必勝湯減桃仁紅  
花。葛根地龍。加石膏丹皮羌活。連投兩小劑。外以  
牛黃半分。珠末一分。調入化毒丹三匙。密湯調送。  
分爲兩服。次日見痘。頭額細碎如針頭。悉如前服。

又次日。細碎者俱退去矣。而汗亦收。顆粒分明。第  
膚赤如霞。熱仍火熾。愁楚復然。惟喜乳食能進。一  
方服及六朝。頂白根紅。滅蟬蛻。八朝漿足飽滿。熱  
勢不減。肩字未開。九朝迅速收痂。耳骹便起。一毒  
如雞卵。照原方用桃仁紅花十二朝。出膿。背上腰  
膀隨起四毒。通如前劑。并化毒丹。至十六朝亦俱  
成膿。平復相繼。又起大大小小十數餘癰。更多惡  
色。青紫如傷。目之可畏。以金銀花赤芍地丁貝母  
羌活牛旁當歸。玄參甘菊甘草。仍合化毒丹。服至

廿四朝而始收功。是痘熱法。名爲火裏苗。蓋先于痘名。疔瘡塊。令不早圖。痘其焦紫內潰矣。

申明頭汗如蒸

頭汗如蒸者。通身焦燥如炙。惟頭面汗若籠蒸也。緣烈毒湧于肌表。壅塞氣道。而致表實。然五液却沸于內。滲洩無門。以故身燥如炙。火性炎上。兼之不容旁達。餞尤上竄。汗之所以湧若蒸也。頭爲諸陽之首。輕清最上之位。邪陽不易犯者。又一身之樞紐。痘瘡吉凶之準。邪陽更不宜犯者。而汗若此。五內可知前



人所以謂毒參陽位者死。是汗居其一也。尚有并頭面而不得洩者。面反青黯。兩目徬徨。悶亂喘急。此又立刻待斃者矣。

附一治驗

白菴陳老先生。三歲一愛。一日驟熱如爐。燥炙如烟。惟頭額汗如雨下。至晚卽見點于太陽。兩頰如榴皮。紅而黯滯。連成一片。不見點粒。遍身稠密。乾紅。口渴煩躁。徹夜無眠。第幸在初朝。毒火雖熾。尚可撲滅。以大黃生地黃連紫草地丁。佐以木通。荆

芥丹皮牛旁山查青皮赤芍日服三頭汁次日汗  
收而熱減半前方減黃連加蟬蛻并大桑蟲服及  
四朝兩頰紅中泛痘色漸光澤神情未舒胃氣閉  
塞前方每劑調牛黃半分日投二劑七朝頂白根  
紅神情半爽身復壯熱仍用黃連減蟬蛻桑蟲守  
此一方成漿結靨至十六朝邪毒退聽正氣康復  
癰痕尚燥幾及一月復發血癰瘡以忍冬解毒湯  
加生地黃連赤芍減紅花又一月而全愈。

申明毒湧掀腫

痘有毒盛鬆透于外者。肉地卽腫。必因痘腫而腫。囊  
必綻突。色必紅潤。若郭廓則平。痘色則滯。肌肉掀腫  
如吹。按之板實。此一身領毒之氣。悉爲毒蝕。一任梟  
牙衝突于身。所謂難療肉腫痘不腫者是也。此毒不  
能出口。必至內攻而斃。

附一治驗

復菴慎老先生。一長公。字其章者。九歲時痘。烈熱  
如焚。紫滯乾紅。窠囊平板。無一隙地。通身掀腫如  
吹。四軀強直如鑄。仰臥而不能轉側。猶如捆綁。痛

楚非常。叫喊不已。此梟毒烈火。表裏俱狂。以大黃八錢。石膏兩餘。生地兩半。黃連三錢。佐以清喉鬆肌透表活血。更以猪尾膏調入盞餘。日投二劑。六朝勢不稍緩。時值炎天。畏熱如燼。以藤蓆鋪地。以安之。猶云背下如火。外取三七草搗自然汁。用麝香以拭之。仍以前方服過。八朝景色如故。計無所施。將澹雞矢醬色而有尖頭者。和六一散爲細丸。又用六一散和冰片二釐。研勻爲衣。燈心湯送服。逾時身振體戰。臭汗如漿。霎時湧出大黑螺疔於

肩背四肢十五六處。烈熱頓利。痘卽肥紅光澤。方得屈伸轉側。終是愁楚未開。水米不粘。尚屬可畏。其痘卽以銀針挑破。用臘脂膏貼之。仍以原方首尾一轍。而得成漿收結。燕落收功。二十朝外。口復生疳。尻骨又生癰毒。一僧治之而愈。

### 申明疙瘡塊

痘瘡輕淺者。萌芽發動。氣領血載。從容散布。不但顆粒分明。界地亦不連其色。若重而急者。朕兆一萌。毒鋒如射。或上竄。或旁湧。任其毒之所至。擁突如桃形。

如癰毒。是謂疔瘡。癰未及是。毒先湧發。驗其身熱如炮。神情躁亂。哈舌不已。吽喊不止。更合之兩目昏眊。肉睛筋惕。是其症也。若以尋常癰毒視之。則誤矣。

附一治驗

朱嘉直兄一公郎。一日熾熱煩躁。愁容萬狀。腦後先起兩毒如桃。不知其爲痘之疔瘡也。嗣卽見痘。稠密乾紅。僅不細碎。然窠粒不鬆。以必勝湯加位參。自二朝服至七朝。大便日去四五次。色漸肥紅。囊漸鬆泛。神情頗安。大有行漿之勢。第壯熱未

和一老姬譜曰。痘子惟恐脾胃不實。反用大黃宣他。今痘根俱泄出矣。相公當自有至意。果惑于其言。遂中止兩日。漿亦中止。神情復躁。熾熱更甚。頻頻乾嘔。頭面破傷幾半。口穢若腐。唇口焦裂。徬徨之極。復邀余視。余諭之曰。中氣果洩。無論別症。有不瀉溫足冷者乎。何以其熱更熾耶。急以前方加黃連。滅蟬蛻。其破傷處。以藥胭脂貼之。至十一朝。破傷復灌。通身漿亦復行。兩疔瘡併成一大疔。黑硬成坑。亦以胭脂膏貼之。越三日。其疔腐爛。膿漿

旁溢。軟絹拭乾重貼。十六朝漸爾收結。胃氣漸復。諸症漸得平復。其疔至廿朝外收疤首尾以一方成之。口内生疔。終以清熱解毒收功。

### 申明預封預腫

痘至五日期。起脹光壯。而因痘脹而腫眼。因腫而閉。此勢之必然者也。痘若平而不起。板而不懸。惟皮肉掀腫。目胞擁合。此梟毒騰湧。不受氣領。不爲血載。惟毒縱橫。是亦毒參陽位之一症也。前人所以謂面目預腫者不治。及早攻之。容或可救。



附一治驗

一友許君。幼時見痘。細如針砂。頭面掀腫。未及兩朝而眼即睜開。熱如炮熾。愁楚之聲不絕。以必勝湯加黃連石膏。連投三劑。即大解七八次。而細碎者悉行退去。兩目仍開。熱亦減半。痘雖成顆。尚頂而不鬆。乾紅未潤。前方減黃連石膏。服及七朝。囊鬆色潤。眼封鼻塞。六朝有放白行漿之勢。未得沛然。大便約去二十餘度。始如膠漆。繼若清水。乃尊疑其虛滑不禁。果爾。痘變灰白矣。尚嫌伏毒鬆而

未暢故下利清水。暢則矢必黃結矣。仍以前方服  
及十朝。漿足胃氣漸開。十二朝神情開爽。大便頓  
實。收結而愈。後左小股發一餘毒。以忍冬解毒湯  
收功。

### 申明紅絲遶目倒豎睽毛

紅絲遶目者。有血絲遶于睽毛之下也。睽毛倒豎者。  
眼睽毛根根如針簇也。此伏毒衝擊于脾之使然。各  
臟凡有伏毒。卽是惡症。至於脾最惡矣。僅在兩腎之  
上。却居心肺肝部之下。毒愈下而透愈難。脾受衝擊。

所屬之地。自失其常。所以睥毛倒豎。血絲遶目。眦也。  
較之腹痛唇腫等症。殆有甚焉者矣。是屬毒參陽位  
之一症也。

### 附一治驗

箬溪高翊老。一公郎痘頗勻。朝明潤粗壯。道中一  
友曰。之爲順。授以平和升發之劑。主人以夜不成  
寐。身體壯熱爲慮。不知更有血絲遶于目胞之下。  
睥毛倒豎如鎗。可慮更甚。若壯熱不寐。又其次矣。  
喜僅在三朝之內。猶可攻逐。用大黃三錢。佐以赤

芍紅花地龍大桑蛙餘不免髭肌透發之類服至五朝血絲漸淡而眼合壯熱稍和十朝漿足肥濃攻發似乎可已第兩太陽未脹毒根猶未盡徹神情未爽恐虧一簣大黃與桑蛙服過十三朝方得如意而回

申明痘如蒙垢口穢噴入

痘如蒙垢色近于灰灰而囊薄色白者此氣血不足虛之極也灰而黯滯囊老板實此氣血爲邪毒壅滯不能煥發其華色志黯者其毒愈深若兼之于口中

穢氣令人難近。此毒固盛而烈火尤內燄者也不可據其似而失其真也。

附一治驗

一宋姓者三歲一子痘頗磊落綻突而根無盤暈其色則晦滯灰黯宛若爲塵垢所蒙體不甚熱口中穢氣滿幄躁亂不寧此係熱毒遏鬱于內故見症乃爾身體則不熱也是病在血而不在氣以大黃紅花紫草赤芍丹皮地丁荆芥山查牛旁自三朝服至六朝色漸紅活亦漸安八朝頓熱如火穢

氣減半。頂白根紅。減紫草紅花赤芍。加生地黃連。  
丸朝漿成迅速。寢食漸復。以忍冬解毒湯調治收  
功。

申明發始咬牙

關牙有血虛有熱毒。大都漿後者屬血虛。漿前者屬  
熱毒。然漿後而猶因熱毒者有之。未有發始而血虛  
者也。往往有痘方二三日而便關牙者。有見點而卽  
犯此者。更有痘未及見。一發熱而相戛作聲者。無論  
痘未及見。就在放標透點時。血初定位。縱血虛之人。

血亦何自而虛致齒失其養耶。明是毒火肆虐。不必  
參合形色內症。自是燎然。

附一治驗

一張氏之室。年十九歲。忽然壯熱如烙。喉間刺痛。  
不能嚙津。咬牙不已。神情躁亂。次日卽見痘如針  
砂。色似胭脂。道中一望而去者不一矣。其症雖惡。  
以其尚在初朝。毒無定位。以大黃石膏各五錢。生  
地七錢。餘佐以荆芥地丁丹皮赤芍乾葛。依參牛  
旁木通甘桔。用蘆筭兩許煎湯代水。日投三劑。次

日三朝。頭面卽頰粒分明。前方更用桑蟲一大枚。  
五朝色轉肥紅。七朝放白。九朝漿勢沛然。咬牙方  
止熱。猶火熾。僅咽稀粥碗許。猶苦難吞。十朝頭面  
堆結愁楚未舒。十二朝血收氣足。回膿結靨。發臭  
難近。飲食大進。諸症悉愈。首尾以一方成之。

申明發始弄舌

舌者心之苗。心寧則舌寧。心擾則舌亂。心固象離屬  
火。雖若易動。然下交于腎。得坎水相濟而成。其爲火  
者。故爲君火。當寂無所觸。其何弗寧者。惟是邪陽烈



毒衝突其經以火濟火。二火相併其苗自不能寧。痘  
毒自內達表。非火不透。痘之順者其熱溫和。客火不  
順於心何犯。即使險者因逐毒而壯熱者有之。熱因  
逐毒而壯猶爲發揚鬆透之火。於內亦不擾擾則險  
而逆矣。烈毒內炎燔及少陰。非躁亂無聲。卽叫喊不  
已。非躁熱如烟。卽汗出如油。痘隱隱于肌肉之間。非  
紫艷或礬紅。症難悉舉。類多如此。弄舌其能免乎。是  
夫燥熱者攻而涼解。隱伏者攻而散達。斯得之矣。

附一治驗

金友張兄一公郎。二週癸巳季冬。忽一晚身熱躁  
亂。咬牙弄舌。痘象迭呈。以清肌透毒湯。加大黃牛  
旁青皮。時值初寒。佐以炒黑麻黃羌活。二劑後。鼻  
毒騰湧。躁亂更甚。兩目徬徨。啼號乾嘔。筋抽脉惕。  
大便傾瀉如注。此熱毒內亂。下注大腸。不容傳送。  
而故湧泄也。乘痘未見。勢雖猖獗。毒未內攻。因勢  
而利導之。是攝萬象于兩儀。關竅在此。前方減羌  
活麻黃。加丹皮地丁木通。三劑後。瀉卽止。諸症未  
降。以衝突之勢稍緩。不至奔騰下注耳。所謂大黃

能止瀉。信不誣也。見標數點于左額。細如針頭。當  
喉十餘點。犯鼠跡咽關。照前方倍加大黃。豎玄參。  
每劑和猪尾膏盞許。大桑螵一枚。日服二劑。次日  
三朝。天庭清楚。但是不鬆。地角細密。卽以胭脂膏  
貼之。右顴不成點。身幸分珠。其間遊帶珠殼者。不  
計其數。悉如前方。至五朝。弄舌止。右顴方見點。口  
內脫皮。乳不能吮。食之于熱紅棗。不變而出。大便  
復去五六次。以全體惡毒湧發。火性奔騰。不暇分  
消。而故直出。是謂邪熱不殺。穀前方減。葛根加白。

芷。七朝痘漸肥紅。八朝右顴及遊蠶珠殼俱起。服  
大便去黑垢甚多。如膠如漆。日進米糊二三碗。兩  
太陽未能起脹。以毒根未盡透也。日服大桑蟲四  
枚。猪尾膏盞許。前方減蠟蛇。加山甲生地。十朝通  
身漿足。次日漸漸收結。大便復止。寢食俱安。聲音  
不亮。間或咬牙。前方減山甲。大黃及半。加金銀花  
甘菊。外以牛黃半分。日服兩次。十四朝諸邪退。听  
調理收功。是症始終以攻毒疏透為主。補拓收斂  
毫不與焉。卽寒涼之味。亦不相及。以熱毒深藏。隱

伏也。痘本凶暴無倫。朝頭無甚風波。未降得無餘症。皆得早圖之力也歟。

申明兩頰通紅痘無一點

兩頰係一身痘瘡之主。氣血領載之會。先於此地透發。後及其餘。見氣得其暢。故領毒而先後不紊。得於此地分根。不連其色。見血得其和。故載毒而盤暈圓淨。若一片通紅。是血被火灼而旁溢。毒不受載矣。不見點粒。是氣被火蝕而遏鬱。毒無所領矣。氣血俱爲陷害。僅以涼血升透。成何濟耶。

附一治驗

蔡文清兄五歲一愛忽一晚躁亂如涸轍之魚。既  
卽昏憤。面如土色。兩目失神。若立刻可斃者。以大  
黃羌活青皮紅花蟬蛻薑蠶炒黑麻黃荊芥穗木  
通山查連接二劑。次日神情稍醒。兩頰通紅。身上  
見痘數點。照前方減麻黃薑蠶加丹皮地丁赤芍  
和猪尾膏半盞。三朝身體壯熱。人卽醒豁。兩額隱  
隱見點。如針砂。頰下稠密。近于托腮。卽用胭脂膏  
封之。身間珠殼甚多。喜磊落成顆。但嫌乾紅少潤。

前方去羌活加黃連生地每劑和入一大桑蟲四  
朝額印清楚五朝色轉紅活鼻塞眼封七朝珠發  
起頂食薄粥一茶匙大便日去三四次九朝頭面  
堆結身上漿滿壯熱未和腹痛異常愁楚不能轉  
側倍以大黃臨服調入化毒丹二三匙十二朝痛  
漸緩漸得轉側飲食大進以忍冬解毒湯調治回  
好

申明湧出如針

痘瘡形成于氣毒受氣制者出必漸次雖密亦分珠

圓綻以毒輕鬆而氣得以拘領也。毒若雄猛則氣不能領。一任毒之奔騰所以湧出而不得漸次。氣更不能拘。一任毒之縱橫所以細碎而不成顆粒。痘之蛇皮蠶殼皆始于此。其痘癰在七朝本無治法。惟於放點之初見有攢簇不成顆粒者速卽攻之。令洶湧之勢大挫其鋒。遏鬱之氣得伸其令。庶乎密者可以轉稀疎。細者可以轉磊落。此真稀痘之秘訣也。但當治之以早。是痘令一越宿毒卽有定位。三日內攻已成牢不可破矣。儘有一見點而攻不遇者必至蛇皮蠶



殼亡之其命也歟

附一治驗

錢桑老一公郎忽身熱如烙次日痘卽一齊湧出。細若針頭自頭至足渾無隙地色滯乾紅時時乾嘔徹夜無眠以大黃爲君佐以青皮山查荆芥地丁蟬蛻赤芍紅花紫草黃連木通臨服和猪尾膏一盞連投三劑第二日兩頰卽成顆粒但界地未分至三朝通身亦分珠磊落第壯熱未和乾嘔稍稀前方加生地五朝肥紅光澤熱勢減半前方去

蟬蛇黃連加甘草八朝放白成漿稍思飲食去紅  
花紫草猪尾膏加連翹九朝復壯熱大渴時或咬  
牙仍加黃連重以生地石膏十二朝諸症漸退寢  
食漸安方以忍冬鮮每湯調治收功約用猪尾血  
三碗餘

申明黑陷歪斜

氣得其暢包血成圓而鬆透血得其和附氣成暈而  
紅活反此自平陷歪斜乾紅滯色甚則其黑硬矣以  
見梟毒縱橫氣血瘀滯可知散見且凶况報痘乎希

冀挽回。豈徒事升發之謂歟。

附一治驗

閔任水兄。一公郎。報痘于脊。黑陷歪斜。按之板硬。餘痘隱躍于皮肉間。點粒甚細。色滯乾紅。躁亂不寐。體不甚熱。速將母痘挑破。以胭脂膏貼之。用必勝湯減生地。服四劑後。報痘即鬆白。盤即紅潤。中心尚黑。餘痘透發成顆。面能光壯。照方用生地減桃仁乾葛。加姜蚕。每劑加大桑蟲一枚。五六朝起綻如珠。主痘成漿如爛頭。癰神情未快。飲食未

進九朝漿足飽滿寢食得半十二朝收結俱得痊然方用解毒養榮調理收功。

申明紫背浮萍

痘之色。血之色也。血和紅而能潤。血熱其紅若絳矣。熱劇則紫。紫黯則血瘀矣。至如紫背浮萍較之紫黯不更甚乎。緣爲血被火炙。榮失其榮致色乃爾。更受逼迫血失其位。致見此癍。古人棄之不同。若在初見其血瘀而未死。及時破滌。瘀毒得活。其癍漸淡漸退。儘有可活者。僅以活血之劑而希治之。必至就木而

已。

附一治驗

閔明生兄四歲一愛痘頗稀疏。顆粒細結。俗呼爲石痘者是也。兩頰界地不清。周身乾紅晦滯。至胸腹間徧滿此痘。眉愁腹痛。寢食不安。身不甚熱。以必勝湯撒生地。加紫草。每劑和猪尾膏半盞。日服二劑。至五朝。斑色漸淡。兩頰漸清。前方減葛根。蟬蛻。用生地當歸。九朝其痘悉退。漿甚克滿。腹痛頓止。照方減桃仁紅花并猪尾膏。次日收結甚速。身

體反熱。十一朝根盤復泛。兩額疤內。累累重出。二  
痘。但神情爽朗。不爲檣杪。仍用六黃。蟬蛻。赤芍。金  
銀花。荆芥。當歸。牛旁。地丁。山查。服至十五朝。半漿  
半麪糊。模收結。嗣以忍冬。解毒湯。全愈。

### 申明蚤痧

蚤痧者。有點不成。顆有粒無。盤暈。似乎蚤疤。名爲蚤  
痧。點子雖同。但蚤疤鬆而散。此則歛而結。其色紫。其  
點細。較若紫背浮萍。其勢畧緩。亦以血爲毒。痧外見  
此痧。內痧不破。必然內潰。是亦不治之症也。

附一治驗

庚辰臧比玉兄。三歲一公郎。一晚徹夜躁亂。兩眼  
矇眊。次日發出一身蚤瘡。按其體膚。頭溫足冷。神  
情昏憤。是毒伏藏于內。血受其殃。凝結成瘡。外呈  
此象。幸在發始。庶可破滌。此瘡一活。不惟毒透。并  
火亦鬆。以必勝湯。生地換歸尾。用大黃五錢。桃仁  
三錢。服過六劑。瘡不見。退痘不見起。更佐猪尾膏  
盞許。并大桑蟲。和入劑內。以助之。服過十一二劑。  
瘡漸淡漸退。而痘方見。點三朝。即齊。痘可數紀。蚤

斑悉退無餘神情終不開爽乳食點滴不進前方  
減葛根蟬蛻服至八朝痘料收結景況依然大便  
日去十數次如藥水終是藥力未克守前方服及  
十二朝痘流悉褪胃口只是不開若謂胃氣受傷  
何以痘能透發以至落痂若謂痂落無恙豈有絕  
穀得生者乎熟思其故是症本惡餘邪自未能淨  
力主前方直至十六朝胃氣頓開神情始快大便  
卽止以三歲小孩大黃約用觔許而得收功以見  
有病病受如此



收偏瑣言卷五 終